



**Republika e Kosovës**  
**Republika Kosova - Republic of Kosovo**

**Komuna e Prishtinës**  
**Opština Priština - Municipality of Prishtina**



---

**V E N D I M**  
**P Ë R**  
**NDRYSHIMIN DHE PLOTËSIMIN E RREGULLORES**  
**PËR TARIFA, NGARKESA DHE GJOBA KOMUNALE**

**Prishtinë, qershor 2014**

Në bazë të dispozitave të neneve 12, paragrafi 12.2, pika d, 17 të Ligjit për vetëqeverisje lokale, 03/ L - 040 ("Gazeta zyrtare e Republikës së Kosovës", nr. 28/2008), të dispozitave të nenit 2 dhe nenit 8 të Ligjit për financat e pushtetit lokal, nr. 03/L - 049 ("Gazeta zyrtare e Republikës së Kosovës", nr. 27/2008), dhe të dispozitave të nenit 34, pika 34.1, shkronja a e Statutit të Komunës së Prishtinës 01. nr. 110 - 391, të dt. 25.02.2010, Kuvendi i Komunës së Prishtinës, në mbledhjen e mbajtur më 24.06.2014, miratoi këtë

**V E N D I M**  
**P Ë R**  
**NDRYSHIMIN DHE PLOTËSIMIN E RREGULLORES**  
**PËR TARIFA, NGARKESA DHE GJOBA KOMUNALE**

**I.**

Miratohet Vendimi për ndryshimin dhe plotësimin e Rregullores për tarifa, ngarkesa dhe gjoja komunale, 01. nr. 110-2782, të dt. 02.12.2011.

**II.**

Neni 2, paragrafi 1, nënparagrafi 1.3 i Rregullores ndryshon si në vijim:  
"Nga pagesa e kësaj takse lirohen:

- 1.3.1 familjaret e dëshmorëve,
- 1.3.2 invalidët e luftës,
- 1.3.3 personat me aftësi të kufizuara,
- 1.3.4 prindërit dhe fëmijët e mitur të ish - të burgosurve politikë të vdekur,
- 1.3.5 rastet sociale,
- 1.3.6 veteranët e luftës dhe
- 1.3.7 ish - të burgosurit politike".

**III.**

Neni 2, paragrafi 6, nënparagrafi 6.9 i Rregullores, ndryshon si në vijim:

**6.9** "Shfrytëzimi i hapësirës para objektit, në të cilin kryhen shërbimet tregtare dhe hoteliere, tarifat mujore sipas zonave janë:

**Sezoni veror:**

Zona :

I .....	6 €/m <sup>2</sup> ,
II.....	4.5 €/m <sup>2</sup> ,
III.....	3 €/m <sup>2</sup> ,
IV.....	2 €/m <sup>2</sup> .

## Sezoni dimëror:

Zona :

I .....	2 €/m <sup>2</sup> ,
II.....	1.5 €/m <sup>2</sup> ,
III.....	1 €/m <sup>2</sup> ,
IV.....	0.5 €/m <sup>2</sup> .”

### IV.

Neni 2, paragrafi 6, nënparagrafi 6.24 i Rregullores, ndryshon si në vijim:

6.24 “Tabela informuese për hotele, një tabelë pa pagesë, dy e më shumë 100 € për copë dhe 20 € mirëmbajtja vjetore për copë, pas vitit të parë.”

### V.

Me hyrjen në fuqi të këtij vendimi, pushon të vlejë Vendimi për lirim nga tarifat komunale për lëshimin e dokumentacionit – dhënien e certifikatave nga Shërbimi i ofiqarisë për familjarët e dëshmorëve, invalidët e luftës, personat me aftësi të kufizuara, prindërit dhe fëmijët e mitur të ish - të burgosurve politikë të vdekur dhe rastet sociale, 01. nr. 400 – 627, të dt. 21.5.2008.

### VI.

Ky vendim hyn në fuqi 8 (tetë) ditë nga dita e publikimit të tij në tabelën e shpalljes dhe në ueb- faqen e Komunës së Prishtinës.

## KUVENDI I KOMUNËS SË PRISHTINËS

01. nr. 110 - 157468, më 01.07.2014

**KRYESUESI I KUVENDIT**  
**Halim Halimi, jur. i dipl.**